

բարձին զաւելորդ կանթեղս և զաշտանակս Յունաց, եւ արգելին պատարագելոյ նոցա 'ի Գերեզմանն, և կացուցին անդ զլուսարարն իւրեանց, Ստիպեցին զՀայս կախել ըզպատկերն իւրեանց 'ի վերայ դրան Գերեզմանին . բայց Հայք ոչ առին յանձն, զի մի տացեն տեղի կռուոյ, այլ սպասէին գալստեան հրովարտակին : Բարձին նաեւ Լատինք զաշտանակս և զկանթեղս և զխաչքարն զորս եղեալ էին Յոյնք 'ի Պաչ Գիւտն, և եգին զիւրեանցն . զինի այսր կամեցան եղծանել զգիրս և զպատկերս զոր դրոշմեալ էին Յոյնք 'ի վերայ քարանց Գերեզմանին Քրիստոսի . առնուլ զգերեզմանն Ս . Աստուածածնի, և զեկեղեցին Բեթղեհէմի, այլ արգել զնոսս Կուսակալն Դամասկոսի : Եւ յետ այնորիկ առին Իլամ 'ի Դատաւորէն և Հանրագիր յայլազգեաց ծախեալ ընդ այն 150 քսակս դրամոց, սակս փոխելոյ Յունաց զառաջին ձեւս տաճարին Ս . Յարութեան : Առեալ զայսոսիկ գրեանս Փրա Մանուէլ վերապին մեկնեցաւ յԱքքէ և անտի 'ի Կոստանդինուպօլիս . գնացին նա և 'ի կողմանէ Յունաց դատիւ անդ, զի Լատինք պնդէին քակել զաւելորդ շինուածս տաճարին, Յոյնք ասէին թէ ոչ է գրեալ 'ի հրովարտակին, այլ միայն յանձնել զտեղիս նոցա, որ և կատարեցաւ . քանզի Լատինք ընդ հրովարտակին իւրեանց ոչ էին բերեալ ոստիկան 'ի Դրանէ եւ յուսադրէին զՀայս, որ յայնժամ սիրով վարէին ընդ նոսս, լինիլ երկայնամիտ, զի վախճանն բարի լինի ասէին :

Յոյնք կարի իմն զայրացան 'ի վերայ այսր գործոյ և հանին աղմուկ . երթամք ասէին 'ի քաղաքէ աստի, բայց այլազգիք յխացեալ ընդ նոսս յաւուրց անտի շինութեան, ունչս առնէին բանից նոցա, ապա գրեցին դիր բողոքոյ և առաքեցին պատգամաւորս առ Կուսակալն, և տեսեալ թէ արհամարհեցան յաչս այլազգեաց, սկսան նախատել զմիմեանս, զի յանիրաւի և ինքնահաւան կամօք յափըշտակեալ էին զիրաւունս այլոց, որոյ վասն գտին ըստ արժանւոյն զպատուհաս իւրեանց :

Մկրտիչ վարդապետ Մեղրիկ կոչեցեալ՝ թողեալ ըզգործ ժողովելոյ զնպաստ, նստէր յէջմիածին՝ ակն ունելով առնուլ վկայական յերուսաղէմէ և ձեռնադրիլ Եպիսկոպոս . և եղև 'ի ծանուցանելն զայս Պօղոս վարդապետի